

Panela no a worde hinca cu cuchiu sino corta cu tayo

ORANJESTAD(AAN) — Den edicion di DIARIO di ayera a sali publica cu e conocido Panela supuestamente a worde hinca cu cuchiu, ya cu e mes no por a papia y duna su version di loke a pase. Durante investigacion a bin sali afor cu ta su compañe L.Z.G. mes a corte, pero no cu cuchiu, sino cu un tayo kibra.

Ta asina cu e homber

R.G. mihor conoci como Panela den oranan di Dialuna anochi a drenta warda tur na sanger. Ora cu el a yega na warda el a cay den otro. Recherche na warda a haci un investigacion y a bin resulta cu e tabata tin varios hinka y corta na su pols y pecho. Mesora el a worde transporta pa poli pa tratamiento.

A bin resulta cu R.G.

tabata tin dos corta na su sinti banda robez, corta na su pols drechi, corta na garganta y no por a papia.

A base di su declaracion cu el a duna despues a worde deteni na Scopapelastraat e muher L.Z.G. Durante declaracion di L.Z.G. el a duna recherche un pida tayo kibra y un conchi. El a bisa recherche cu e pida glasnan ey el a dal R.G. cune. Recherche

a confisa tur e pida glasnan.

Mientrastanto Panela mes a keda interna na hospital den intensive care pero su situacion ta stabil.

Relaciona cu esaki DIARIO a ricibi reaccion di su famianan, cu a bisa redaccion cu R.G. mihor conoci como Panela enberdad ta conoci den comunidad, pero cu e tin

famia cu ta bon conoci aki na Aruba. Entre otro su tata ta un bon trahador y e tin un ruman homber bon conoci den e ramo di deporte cu ta traha pa juventud.


Nan pregunta ta cu ya e caso di R.G. por considere un caso perdi, pero kico lo bay haci cu e mas jongnan cu ta bay perdi den e mundo di droga.

Proyecto di ley pa regula trafico a ser presenta

ORANJESTAD(AAN) — Ayera mainta a tuma lugar presentacion di e proyecto di ley pa regula trafico ariba careteranan. Pa varios luna caba un comision bao presidencia di señor van Lieburg a traha ariba e proyecto di ley aki.

E proyecto di ley nobo aki a bira necesario mirando e exigencianan cu trafico ta trece cu ne actualmente. No solamente cu e ley cu ta regula e trafico no a ser adapta pa varios aña, pero tambe den e ley tabata tin asuntonan involvi cu no ta pertenecer directamente na e ley.

Den e proyecto di ley nobo a tene cuenta cu diferente aspectonan manera e responsabilidad di cada ciudadano y tanto di Gobierno pa promove un trafico si-



gur. Esnan cu ta haci uso di e trafico, esta careteranan mester tene cuenta cu persona-

nan na pia, personanan cu handicap, etc.

Den e ley nobo e "verkeerbrigadiertjes" ta haya atencion special, tambe señalnan ariba careteranan, borchinan, iluminacion di careteranan, parkeermento di auto etc. E uso di fahanan di seguridad tambe ta ser incorporado den e ley nobo.

Lo tin control severo ariba vehiculonan cu ta haci desorden. Pa esnan kendenan ta duna les di rijbewijs lo tin e exigencia cu e auto tin entre otro brake dobbel y esnan cu ta siña mester core bao supervisor di un instructor.

Pa obtene un rijbewijs tambe, e exigencianan pa

pasa examen a ser revisa y lo bira mas pisa.

Pa combati uso di alcohol y droga den trafico tambe lo tin control mas severo. Lo bay introduci aparato pa test holor di alcohol.

Despues di e introduccion di señor van Lieburg, Promer Ministro Eman a duna su punto di vista ariba e proyecto di ley aki y a gradici e comision pa su trabao realisa y a duna e seguridad cu lo maximo lo ser haci pa introduci e ley nobo e aña aki ainda. E ley nobo sigur lo contribui pa promove seguridad den trafico den tur su formanan.

Tabata presente ayera mainta tambe Ministro di Justicia y Salubridad Publico E.J. Vos, Ministro di Obras Publicas Drs. F.A.J. Booi, Ministro di Trafico y Comunicacion Mr. A.R. Bermudez, Presidente di Parlamento Mr. H.E. Gonzalez, varios hefe nan di departamentonan di Gobierno y representantes di instancianan cu tin di haber cu promove seguridad den trafico.

Mecanico no tabata tin tin licencia pa traha ariba avion

ORANJESTAD(AAN)— Autoridadnan di aeronautica civil a nota durante un inspeccion cu lo tabata tin un avion cu tabata dañá tabata move y cu tabata tin un persona den dje.

Abordo a ser haya un homber cu a bisa autoridadnan di aeronautica cu e ta mecanico y tabata traha ariba e avion. A bin resulta cu e homber no tabata tin licencia pa traha ariba e avion y di cual el a

move e avion di cual e no tin papel tampoco pa haci esaki.

Tabata trata di un avion procedente di Merca cu matricula N. 9000C cu lo tabata tin un fayocune y cu e mecanico a ser pidi pa traha ariba esaki, pero aparentemente e no tabata tin papelnan necesario pa haci esey.

E homber a ser avisa pa stop cu e trabao ya cu e no tin licencia pa haci esey y a ricibi un carta di advertencia.

Supermercado a worde prohibi pa bende koffie Dolca

ORANJESTAD(AAN)— Diamars Corte Superior a dicta sentencia den e caso cu Kong Hing Supermarket a apela.

Ta trata aki di e caso cu Societe des Produits Nestle a entama contra Kong Hing Supermarket relaciona cu venta di koffie

Dolca.

Juez mr. van der Griendt ta considera cu segun ley Colombiano, ta prohibi pa exporta koffie Dolca.

Ariba e blikinan ta aparece un etiqueta cu ta bisa "Para consumo en Colombia exclusivamente. Su exportacion es un delito

castigado con multa y prision hasta de 10 años (Ley 21/77)".

Segun Juez mr. van der Griendt Kong Hing Supermarket a cumpura un lote di e blikinan aki y a bende esakinan na Aruba.

Ademas di esaki, dicho

Sigui lesa pag. 4